



«Бир минг сарт бир ўрис солдотининг этигининг пошнасига арзимайдир» (Фаргона губернатори Иванофнинг сўзи)

Биринчи жахон уруши даврида чор Россияси катта талафотлар кўради. Хукумат бу талафотни тугатиш учун ўзига карам чет ўлкалар аҳолисини мажбуран сафарбар қилади. 1916 йил 25 июнда подшо Николай II нинг «Империядаги бегона халклар эркак аҳолисини ҳаракатдаги армия районларида ҳарбий иншоотлар ва шунингдек, давлат мудофааси учун зарур бўлган бошқа ҳар қандай ишларга жалб қилиш» фармонига Сибир, Урта Осиё ва Гуржистондан 19 ёшдан 43 ёшгача бўлган 400 минг киши мардикорликка олиниши мўлжалланади. Сафарбар этилганларнинг 250 мингини туркистонликлар ташкил қилиши керак эди. Бу фармон неча ўн йиллардан буён истибдод зулмида кун кечириётган ўлкамиз аҳлининг қаҳр-ғазабини янада жўштириб юборди. Натижада, Туркистонда мардикорчиликка қарши бир қанча кўзғолонлар бўлиб ўтган. Минглаб кишиларнинг бегуноҳ қони тўкилган бу ғалаёнлар ҳақида эса биз ҳира тасаввурга эгамиз. Лутфулла Олимийнинг қуйида чоп этилаётган мақоласи бу масалани бироз ойдинлаштиради, деган умиддамиз. Уни ЎзФА Шарқшунослик институтининг илмий ходими Тешабой Зиёев нашрга тайёрлаган.

1916 йил июль ойларида, рўза вақти, кунлар иссиқ, ҳар ерда иш, дала жонлангон, пахталар чопилади, бедалар ўрилади, қовунлар узилади, бозорда қийматчилик бошлангон, халқни очлик даҳшати қўрқутмоқда, дехқонларнинг энг яхши отлари подшоҳ ҳукумати томонидан олингон. Ҳар ерда очлик аломатлари кўринади.

Худди ана шу жойда халқнинг оғзида гивир-шивир сўзлар:

— 19 ёшдан 40 ёшгача мусулмонларни аскарликка олар эмиш.

— Йўқ. Аскарликка эмас, мардикорга олар эмиш. Рўзномада шундай ёзилибди. Халқ орасида ҳаяжон, бутун фикр шу масала устида йўнатилган. Баъзи кишилар ўз ўглининг

оёгини синдириб аскарликка (мардикорликка) яроксиз килмокчи, баъзилари агарда хукумат рўйхатга олмок учун келса, рўйхатчининг корнига пичок солмокчи.

Пичоклар, тешалар, болталар, ханжарлар кайралган. Мачитларда, хонакохларда йиги-сиги, оналарнинг багри кон, кўзлари ёшли.

Подшоҳ учун бошлангон урушнинг охири кўринмайди. Кийматчилик, жабр-зулм, миллий кисинкилик, халкнинг бутун тилаги хар нечук бўлсада, подшоҳ хукуматининг огдорилиши.

Бунинг устига «подшоҳ хазратлари»нинг «фармон олий»лари: «Урушнинг оркасидоги хар хил кора ишларини ўташ учун Туркистонда 19 ёшдан 43 ёшгача бўлгон барча эркак зоти сафарбарликка чакирилсин!»

Кўп ўтмасдан 19 ёшдан 43 ёшгача бўлгон кишиларнинг рўйхати бошланди. Шунинг билан бирга халкнинг юрагига 30 йилдан бери подшоҳ истибдодига карши хозирлонгон исён оловланди, хар ерда ташвикот:

— Подшоҳ энг аввал отларимизни олиб пиёда колдирди, бизни кучсизлантирди. Энди 19 ёшдан 43 ёшгача бўлгон бутун йигитларимизни олиб, бизни бутунлай битирмакчи.

Мамлакатимизни ўрис унсури билан тўлдирмокчи!

Буни зиёлилар сўзлайди. Имомларнингда бир фикри бор:

— Мусулмонларнинг душмани бўлгон подшоҳ бизнинг наслимизни курутиб, ислом динини йўкотмокчи.

Эртага рўйхат бошланади... деган хабарга халк мана бу хилда жавоб берадир:

— Биз рўйхат килдирголи кўймаймиз. Подшоҳга болаларимизнинг тирногинида бермаймиз!

Тонг отди; бу кунги иссиглик бошка кундагиларга карагонда иссирок. Шамол хам йўк.

Кушлар хам сайрамайдилар. Бу дунё аллакандай дахшатлар кутади.

Ана пристаф, мингбошилар, палисалар махаллага халкни рўйхат килиш учун чикдилар, лекин махаллаларда, уйларда ёш болалар, кари хотинларгина колгон; ёш кишилар хаммаси хукуматга карши кураш учун бир жойга тўплонгон. Хамманинг ёнида пичок, болта, ханжар ва бошка ўксиз куруллар.

Йигилгон халк орасида сўфийлар, зокирлар хам бор, улар зикрисамоъ билан халкнинг диний хаяжонини ортдирадирлар.

Мана хозир халкка карши солдотлар, милтиklar, пулимуллар келади. Лекин халк кўркиш даражасидан ўтган.

Хоким томонидан буйрук:

—Таркалинглар!

Халк жавоб беради:

— Сен солдотларинг ва пулимулларинг билан кет, сўнгра биз таркаламиз.

Кўпда ўтмади. Эллик мингдан ортик халкка карши пулимуллар ва милтиklarдан отиш бошланди. Халк бошда ўлганига карамасдан пулимулни кўлга киритишга уриниб кўрса-да, ундан ёмгир сингари ёгилиб тургон ўklar халкни якинига келтирмади.

Пичоклар милтик билан пулимулга карши кураша олмади. Халк енгилди. Халк кочди.

Солдотлар, палисалар уларни оркасидан кувлаб бориб кўрган жойда отти, чопди, майдонда, кўчаларда йигитлар, чоллар, ўспиринлар конларга бўялиб ётади. Икки кат хотунларнинг коринлари устида подшоҳ солдотларининг найзаси санчилиб туради.

Йикилгон гўдаklarнинг кизил лаблари кўкарган, ёш кизларнинг кесилган бошларидаги кора сочлари юзларига ўралиб, уларнинг бетларини конхўрларнинг кўзларидан саклайдилар. Ярадорларнинг инграган товушлари якинда окиб шовуллаб тургон сувга кўшилиб окади. Шахар кон ичида. Халк килар ишини билмайдир. Майдонга чикмок учун

кўлида курол йўк.

Л. Олимий, Фаргона



1916 йил мардикор олиш воқеаси Туркистон ерлик халкини канчалик газабга келтирган бўлса, ерлик халкка қарши подшоҳ ҳукумати ҳам шунчалик захрини тўккан эди. Осишлар, кишанга солишлар, камашлар қолғони йўк. Зулмнинг энг қўполлари ишлатилмай қолмади. Хаммаси бўлди. **Сувратда:** Тошкент туманидаги кентлардан бири ҳукуматга қарши исён қўтарганларнинг осиб ўлдирилгани тасвир этиладир. Капустиёнский фото-архиви



Мақола юқорисида. 1916 йил мардикор олиш воқеасида ҳукуматга қарши энг қоттиг отилиб чиққан жой — Жиззах тумани эди. Энг қўп жабр қўрган ҳам Жиззах бўлди. **Сувратда** : подшоҳ ҳукуматига қарши исён қўтарганлар кишанларга солинган қолда қийноқ ва азоб амрини қўтиб турадилар. Капустиёнский фото-архиви